

古
豐
識
畧
八



白登日暮鷓鴣泉畔獵路人遙認郅都鷹

溫庭筠蘇武祠 見前



蘇武魂消漢使前古祠高樹兩茫然雲邊雁斷胡天
月隴上羊歸塞草烟回日樓臺非甲帳去時冠劍是
丁年茂陵不見封侯印空向秋波哭逝川

秦韜玉塞下曲

韜玉字中明京兆人
著有投知小錄三卷

到處人皆著戰袍席箕風緊馬蹄豪

丹鉛總錄謂李
長吉詩天遠席

箕愁劉會孟注席箕如箕踞坐此詩似未可以箕踞
解之恐是塞上地名書之以俟知者。按席箕與息
雞同音疑即指塞草而言詳見物類彙編卷一
部草屬時本記作麾旗豪一作勞黑山霜重弓添硬

青冢沙平月更高大野幾重開雪嶺長河無限舊雲

濤風林關外皆磨土何日陳兵戍不毛

李白咏王昭君 見前

昭君拂玉鞍上馬啼紅頰今日漢宮人明朝胡地妾

劉長卿平番曲

長卿字文房以詩馳聲上元寶應間人呼為五言長城

絕漠大軍還平沙獨戍闌空留一片石萬古在燕然

盧綸和張僕射塞下曲

綸河中蒲人數舉進士不第為大歷十才

子之一德宗表其才召見禁中有所作輒使齋和異日從渾瑊在河中帝使召之綸已卒

矣憲宗詔中書舍人張仲素訪其遺集文宗尤愛其詩問宰相綸有子否李德裕對綸四

子皆進士第在臺閣帝遣中人悉索家笥得詩五百篇以聞

林暗草驚風將軍夜引弓平明尋白羽沒在石稜中

月黑雁飛高，單于夜遁逃。欲將輕騎逐，大雪滿弓刀。

王勃贈蘇綰書記

勃字子安，父福，時祖通，即文中子。勃少有異才，十四

歲作滕王閣序，後杜子美韓退之極推服之。

知君書記本翩翩，為許從戎起朔邊。紅粉樓中應計日，燕支山下莫經年。

常建塞下曲

玉帛朝回望帝鄉，烏孫歸去不稱王。天涯盡處無征戰，兵氣銷為日月光。

北海陰風動地來，昭君祠上望龍堆。髑髏盡是長安卒，日莫沙場飛作灰。

無名氏胡笳曲

月明星稀霜滿野
羶車夜宿陰山下
漢家自失李將軍
單于公然來牧馬

李益夜上受降城聞笛

見流寓門

回樂峯前沙似雪
受降城外月如霜
不知何處吹蘆管
一夜征人盡望鄉

白居易咏王昭君

居易字樂天太原人徙下邳貞元中進士官至刑部尚書文章精切雞林賈售其國相篇易一金其偽者相輒能辨之每作詩必令一老嫗為解嫗曰解則錄不解則不復錄喜與元微之唱和號元白體又曰長慶體

眉銷殘黛臉銷紅
滿面胡沙滿鬢風
愁苦辛勤憔悴

眉銷殘黛臉銷紅
滿面胡沙滿鬢風
愁苦辛勤憔悴

盡如今却似畫圖中

漢使却回憑寄語黃金何日贖蛾眉君王若問妾顏
色莫道不如宮裏時

杜牧遊邊

見流
寓門

黃河連海路無塵邊草長枯不見春日暮拂雲堆下
過馬前逢着射雕人

邊上聞胡笳

前人

何處吹笳薄暮天塞垣高鳥沒狼烟游人一聽頭堪
白蘇武爭禁十九年

題木蘭廟

前人

彎弓征戰作男兒夢裏曾經與畫眉幾度思歸還把
酒拂雲堆上祝明妃

張敬忠邊詞

二月垂楊未掛絲五原春色舊來遲只今河畔水開
日正是長安花落時

儲嗣宗過五原

嗣宗大中進士爵里失傳有詩一卷

偶逐星車犯塞塵故鄉常恐到無因五原西去陽關
路日沒平沙不見人

文同謝友人寄畫

宋同字與可蜀梓州人文潞公譽其文由是知名

登皇祐元年進士與執政議新法不合以論禮奪官知陵州有政績卒稱石室先生嘗自

謂有四絕詩一楚詞二草書三畫四與東坡
為中表每切規誠東坡亦極與之善

客從長安來厚紙封小軸題云此奇畫寄贈公可蓄
開之掛高壁爛絹祇一幅中有兩駱駝氣韻頗不俗
大駝載半斛正面頸愈曲小駝方就乳蹲身脚微跼
一馬立其後纓露頭與足三犬乃子母共卧銜齧肉
健兒抱朱旗狀貌何狼悞端然立高岸勢若不可觸
定是此中長革旗蓋鮮服不知何所求隨從無一僕
初誰作此畫精妙亦可錄應餘右方在次第不止獨
更願君訪來我有萬錢贖按老可此詩本與此地無
涉惟年來出入耳目所及
為此詩此畫描寫畧盡且諸詩
中咏駱駝者極少因附識之

王安石明妃曲

安石字介甫臨川人後居金陵又號半山封荆進封舒王

明妃初出漢宮時
泪溼春風鬢脚垂
低回顧影無顏色
尚得君王不自持
歸來却怪丹青手
入眼平生幾曾有
有意態由來畫不成
當時枉殺毛延壽
一去心知更不歸
可憐著盡漢宮衣
寄聲欲問塞南事
只有年年鴻雁飛
家人萬里傳消息
好在羶城莫相憶
君不見咫尺長門閉
阿嬌人生失意無
南北

府志誤以為杜工部詩

又

明妃出嫁與胡兒
羶車百輛皆胡姬
含情欲語獨無處
傳與琵琶心自知
黃金捍撥春風手
彈着飛鴻勸

胡酒漢宮侍女淚暗垂沙上行人却回首漢恩自淺
胡自深人生樂在相知心可憐青冢已蕪沒尚有哀
絃留至今

歐陽修和王介甫明妃曲

修字永叔吉州永豐人天聖中進士

以太子少師致仕卒諡文忠其詩如昌黎以氣格為主而少昌黎排異之句與其文相似

漢宮有佳人天子初未識一朝隨漢使遠嫁單于國
絕色天下無一失難再得雖能殺畫工於事竟何益
耳目所及尚如此萬里安能制夷狄漢計誠已拙女
色難自誇明妃去時泪灑向枝上花狂風日暮起飄
泊落誰家紅顏勝人多薄命莫怨春風當自嗟

又

胡人以鞍馬為家射獵為俗泉甘草美無常處鳥驚
獸駭爭馳逐誰將漢女嫁胡兒風沙無情面如玉身
行不過中國人馬上自作思歸曲推手為琵却手琵
胡人共聽亦咨嗟玉顏流落死天涯琵琶却傳來漢
家漢宮爭按新聲譜遺恨已深聲更苦纖纖女手生
洞房學得琵琶不下堂不識黃雲出塞路豈知此聲
能斷腸

曾鞏明妃曲和王介甫作

鞏字子固世稱南豐先生

蛾眉絕世不可尋能使花羞在上林自信無由汙白

玉向人不肯用黃金一辭椒屋風塵遠去托檀麈沙
磧深漢姬尚有妒色胡女豈能無忌心直欲論情
通漢地獨能將恨寄胡琴但取當時能託意不論何
代有知音長安美人誇富貴未央宮殿競光陰豈知
泯泯沉烟霧獨有明妃傳至今

黃庭堅塞上曲

庭堅字魯直分甯人自號山谷老人又號涪翁詩蒼華百

家雖隻字不輕出後竟為書名所掩

十月北風燕草黃燕人馬肥弓力強虎皮裁鞍雕羽
箭射殺山陰雙白狼青氊帳高雪不溼擊鼓傳觸令
行急戎車半醉擁貂裘昭君猶抱琵琶泣

麻草上雲內帥賈君

金○見
流寓門

北極長虹掣西垣太白高千年知運地四海共兵鏖
霧黑龍蛇鬪山昏虎豹嘯石傷填海羽波動負山鰲
遺介潛寒渚驚龜走夜牢江山留慘黯天地入熬蒿
衆折思枚狂初寒俟蠶繅明良逢慶會鄉曲得名豪
梁棟因人出餘艘為世操安流欣鼓枻奔浪獨能篙
日出戈揮景江翻弩射濤風聲連湧洞裁鑿悉纖毫
桃李勤封植茅菅日難薈獵場游麋鹿魚渚動鱗鱖
井邑生春色禾麻飮土膏民歌烏繞屋士喜馬騰槽
朔塞閑刁斗天山擁節旄岱嵩何落落江漢自滔滔

大寶珠仍壁長城雉與壕崇牙分祭戟大壤屬韃橐
日月依龍德風雲挾豹韜夾山羣戰騎黑水泳輕舸
落日觀魚浦秋風射雉皋化行家置塾役簡里停鑿
歌奏投壺室文閑治獄曹西菴談性理東閣會奇髦
森爽開璜琥縱橫列雁羔禮容新泮宇物性逐莊濠
牧唱聞朝起樵音聽暮號孤嬰收坎阱流滯起蓬蒿
屢下陳蕃榻誰空北海醪卻軍敦禮樂曹館富風騷
客望龍門聚雛從鳳穴翱世知三窟隘人可二天逃
雨露承恩命山河襲世勞功名高衛霍輔弼慕伊咎
鞍馬憐解肉簪纓視鬢毛雅申張仲德頌入魯侯昭

有客傷淪落無階寫鬱陶太行雲幕幕代北雨騷騷
去國心將折懷人首獨搔身如伏櫪驥情似失林猱
涸轍將安往窮途况所遭幸逢今匠石直欲啖醪糟
忖已誠無有登門亦已叨沐薰良備至感激欲號咷
已畧馮驩舍猶傷范叔袍鏹須開匣劍割欲試鉛刀
杞梓容山木包羞薦沼芼每思休困頓佳蔭有蘭皋

王元節青冢

元節字子宏州人

環佩魂歸青冢月琵琶聲斷黑江秋漢家多少征西
將泉下相逢也合羞

郭允升塞外道中

長城關外暮雲飛蕭瑟秋風雁幾群戍士牧免頻借
問只今誰是李將軍

落日平沙接大荒蕭蕭衰草藉河湟受降城在今何
處此地空題古戰場

陳孚李陵臺

元○孚字剛中號劬齋天台人著觀天稿

落日悲笳鳴陰風起千嶂何處見長安夜夜倚天望
臣家羽林中三世漢飛將尚想甘泉宮虎賁擁仙仗
臣豈負朝廷忠義夙所望漢天青茫茫萬里隔亭障
可望不可到血泪墮汪洋空有臺上石至今亦西向

按剛中詩義極喜翻新如博浪沙范增墓等七絕膾炙人口惟此詩持論頗偏不及柳貫作遠甚或後人

偽作亦
未可知

柳貫李陵臺

平沙北流水青山在其上李陵思鄉臺駐馬一西向
草根含餘淒峰尖入塞望徑言雖莫稽陳迹尚可訪
想其深入初步卒亦材壯手張天子威氣奪名王帳
覆車陷匈奴此志乃大妄一為情愛牽遑卹聲名喪
縷縷中郎書挽使同跌宕安知臣節恭死亡不易諒
河梁執別處出語漫惆悵家聲故燁赫三世漢飛將
兵法有死生人運迭休旺忠回在信史豈沒功罪狀
馬遷當腐刑強欲雪其謗歸思豈能無層雲塞亭障

千年麒麟圖吾將執元咎

袁桷送蘇子寧赴領北行省

桷字伯長慶元人童子時已著

聲大德初為國史院檢閱官侍講學士泰定初致仕所著有易說春秋清客居士集卒年

六十一
論文清

貂帽護寒沙冰天閱歲華斷溪駝聽水客雪犬行車
雲盡難尋雁春深不見花昔人奇絕處八月解乘槎

劉秉忠過豐州

見流寓門

出邊瀰瀰水西流夾路離離禾黍稠出塞入塞動千
里去年今年經兩秋晴空高顯寺中塔曉日平明城
上樓車馬闐駘塵不到吟鞭斜裊過豐州

雲內道中 前人

遠水平蕪間野花塞雲漠漠際寒沙
閑禽向晚無投樹倦客遲秋更念家
萬里經年走風雨一身無計卧烟霞
來朝又上居延道懷古思君感鬢華

薩都刺過李陵墓

薩都刺字天錫其先蒙古人也後居中國折節讀書隱

居不仕以詩文自娛與趙松雪張伯雨諸君後先輝映其詩磊落激昂不擬拾前人一字陸次雲選善鳴集謂未山辭前輩詩云看似尋常最奇崛成如容易却艱辛方之天錫不

魏斯語

降入穹廬愧將才山頭空築望鄉臺
蘇郎有節毛皆落漢主無恩使不來
青草戰場雕影沒黃沙鼓角雁

聲哀那堪攜手河陽別
泪灑西風骨已灰

王恭塞上曲

明。恭字安中，閩縣人，自稱皆山樵者，永樂初以儒士待詔，翰

林年六十餘矣，與修大典書成，授翰林典籍，籍投牒歸老，詩文自娛，有集云：白雲樵唱。

登陴望烽火，落日烟塵紫。
百戰久不歸，空閨泪如水。
漢兵十萬餘，盡沒長城死。
城下有精靈，啾啾明月裏。

戴銑出塞二首

銑字寶之，婺源人，宏治己未進士，官南科給事中，以劾逆

瑾受廷杖死，追贈光祿大夫。

軍行入大漠，遙見胡騎來。
死戰四五合，白日昏黃埃。
戰敗虜星奔，血洒陰山隈。
高功在主將，南閩班師回。
明時重文教，邊功誰敢邀。
邇來逐小醜，已覺戰士凋。

何喬新題蘇李泣別圖

喬新字廷秀廣昌人景泰中進士官至刑

部尚書請老卒諡文肅著有椒邱文集詩多援據典故

黃雲黯欲暮歸騎慘將發釃酒上河梁羞與故人別
後會不可期請與君永訣祁連山前箭沙漠窖中雪
君心與我志各欲效忠節老親坐誅夷此志遂蹉跌
今君獲生還竹帛炳貞烈顧我墜冢聲有懷共誰說
韓王昔降虜茅土世不絕念我先飛將守邊號瓌傑
臣罪固當誅臣族固宜滅嗟嗟全軀臣誰肯與論列
我心豈忘歸望鄉心如熱親族靡孑遺念之肝腸裂
痛哭送歸旌哀哀泪成血君歸謁茂陵毋為遂結舌

寄語霍將軍此心宜識察

李攀龍明妃曲

攀龍字于鱗歷城人嘉靖中進士官至河南按察使為七

子五子之一

我本良家子承恩入漢宮
光來射綺羅語笑生春風
君王希召幸在遠誰為通
漢宮三十六處處種梧桐
美女八千名各各分當熊
黃金買顏色丹青多益工
甯知佳麗人不出所圖中
黃金猶糞土丹青復何功
君王寵自娛賤妾以和戎
豈惜賤妾去但惜長門空
涕泣顧長門從此逐秋風

徐良彥塞上曲

良彥字季良新建人萬歷戊戌進士官南工部侍郎請告

卒于家少讀經世之書不事聲律信筆口占
有詩數百篇高陽孫世師稱量朝士少所許
可於季良
獨心折焉

胡免為我歌胡婦為我舞
酪酒兩三行黃塵雜桴鼓
披甲上馬鞍旁觀色如土
長城陳死人有力皆如虎

曾祭龍支行

祭字子祭永豐人永樂中廷試
進士第一飲酒數石不醉官少

詹事卒于任病革將絕呼酒痛飲自為贊曰
官詹非小六十非天我以為多人以為少易
簣蓋棺此外何求青
山白雲樂哉斯耶

者

龍支城頭夜吹角黃雲蔽天沙草薄
虎鬣使長長安來持麾擁蓋邊塵
開城門盡是胡兵守城外老人多
白首拜迎使者雙泪流問云天子今
安否自言家世

豐州任少小辭家隸軍戍吐蕃作日下蕭關胡騎長
驅涇隴間將軍戰敗鼓聲絕棄戈遺鏃填邱山自從
陷沒身為虜五十年來在邊土依樓部落作番人生
長兒孫盡胡語朝看烽火望中原夜聽鳴笳憶故園
顏垣敗屋誰家宅斷磧荒蹊何處村奉使還時報天
子早遣官軍復清水假今年老身歸死已免游魂作

胡鬼

原注唐穆宗時遣大理卿劉文鼎出使吐蕃道成紀武川以至龍支城者老千人拜且泣問天

于安否言頃從軍戰敗于此今子孫未忘唐服朝廷尚念之乎兵何日來言已嗚咽審問之皆豐州人也

李東陽牧羝曲

東陽字賓之茶陵人以代籍居京師舉神童天順中進士

官至文淵閣大學士致仕卒諡文正著有懷麓堂集罷相家居請詩文書策者填塞戶限

頗資以給朝夕一日夫人方展紙研墨公有
倦色夫人笑曰今日方設客可使案無魚菜
耶遂忻然命筆移時
而罷其風操如此

嗟汝陵咄汝律嶽可乳節不可屈咄汝律嗟汝陵甯
為我死不作汝曹生生入朝身已老有泪猶沾茂陵
草天遣生還入畫圖不然誰識冰霜貌

明妃怨 前人

莫倚朱顏好妍媸無定形莫惜黃金貴能為身重輕
一生不識君王面不是丹青誰引荐空將豔質惱君
懷何似當初不相見君王幸願苦不早不及春風與
秋草却羨蘇郎男子身猶能仗節長安道休翻胡語

入漢宮祇恐伶人如畫工畫工形貌尚可改何況依
稀曲調中

王粲胡人歸朝歌

粲字濟之吳縣人成化中進士歷官文淵閣大學士

卒論
文恪

兒胡兒女胡女女嫁胡兒娶胡婦唯有老身從漢來
椎髻羶裘作胡語當時從駕土木間匈奴驅我不得
還朝看鷄兒嶺暮宿木葉山昔聞青冢今始覩幾過
蘇卿持節處胡風烈烈胡霜飛聽罷胡笳泪如注胡
中洵樂漢自親呼韓猶作南朝賓欵關不用通事語
三十年前我漢人奉天殿前拜天子封爵歸來認鄰

里南街北巷爭聚觀家人見我還驚起男龍冠裳女
繡襦今日漢人昨日胡回思李陵并衛律漠北高墳
空突兀

盧柟送人之塞上

柟字少樵一字子木濬縣人好使酒罵坐嘗以醉獲

罪邑穿邑軍以他事誣繫之獄東郡謝茂秦
攜柟詩文游長安見諸貴人絮而泣曰有一
盧相視其死而不救乃從千古惘惘哀沅而
吊湘乎吳人陸光祖為邑令平反其獄得免
死終以落拓嗜酒病卒

北風颯颯胡馬鳴君今棄我何遠行陰山雪花大如
掌黃雲出沒單于營萬里龍沙那可見將軍大小七
十戰捷書奏入建章宮寄我雲中一隻箭

李禎塞下曲

禎字昌祺廬陵人永樂中進士歷官廣西布政使

鐵騎蹴交河
銜枚半夜過
雪花凝鎖甲
月色冷雕戈
黠虜俱亡命
連營盡凱歌
至今青冢骨
猶恨與通和

蔣山卿咏王昭君

山卿字子雲儀真人正德甲戌進士歷官廣西參政

拭目新裝束
朝來殿裏辭
何堪辭訣日
卻是見憐時
漢騎臨關外
胡笳出塞遲
琵琶寫哀怨
淒切轉添悲

霍鵬塞上吟

馬邑人

昔道金河冷
今來玉塞涼
關門屯虎豹
斧鉞掃豺狼
劍拂欃槍影
旗搖太白光
韜鈴常在篋
持此報天王
宦拙心偏苦
秋深雨又零
方山傳采芑
瀚海任流萍

虜市頻年歛戎車鎮日停
昨宵狼鬣暗惟見羽林星
落落關山曉蕭蕭朔漠秋
大軍閱虎隊元帥擁貂裘
雲塞寒初動冰河咽不流
沙場雄萬里殊勝酒泉遊
北塞非無路來郊自有橋
不堪胡馬度只怕漢兵驕
露下千山瘦霜飛百卉凋
兵家說方畧爭領漢嫖姚
五原人未回傳在黑山隈
雁自龍庭過軍從虎峪來
蒙恬多將畧魏尚有邊材
古昔垂芳烈予懷亦壯哉

沈周從軍行

周字啟南長洲人十五歲試鳳皇臺賦得盛名景泰中郡守以

賢良應詔決計隱遯奉母九十九齡乃終先生年八十矣又三年而卒詩畫冠一時

馬上黃沙拂面行漢家何日不勞兵
匈奴久自忘甥

勇僕射今誰託父兄雲外旌旗婆勒渡月中刁斗受
降城左賢早待長繩縛莫遣論功白髮生

楊慎出關

慎字用修新都人少師廷和之子也正德中廷試第一授修撰以議

大禮受廷杖再斃而復甦謫戍永昌衛投荒三十餘年卒年七十二著丹鉛總錄傳世

狼狐芒角正彎環
虎落連營又出關
漢使征鴻何日
至胡免牧馬幾時還
千重紫塞迷青冢
九曲黃河繞黑山
飛將殊勛猶下吏
書生乘障敢辭艱

王世懋華夷互市圖

世懋字敬美世貞元美之弟也嘉靖己未進士

以家難歸後除南儀制主事歷官至南太常寺少卿移疾歸卒於家兄弟俱以詩文名

大漠高空寂建牙兩軍相見醉琵琶
天閑首藉多羌

種胡女胭脂盡漢家雲裏射生旋入市日中歸騎不
飛沙金錢半減犁庭費五利應知晉史誇

張元凱長安逢塞上班師

元凱字左虞吳縣人官指揮世爵著

有伐檀詩
集十二卷

盛秋胡騎若雲屯奏捷飛書入雁門浪說單于刑白
馬羞稱公主嫁烏孫班師節鉞歸三殿歎塞旌旗過
五原幕府獻功方飲至撰成饒曲侑金尊

蔡宗堯塞上秋思

宗堯臨海人自號東郭子嘉靖丁酉舉于鄉同教松

溪多識古文奇字者有
龜陵集二十卷詩一卷

斷雲殘柳接狼烟極目氛埃自黯然紫塞蒼茫能立

幟黃河容易可投鞭須知據險人持戟莫使衝風馬
避羶勝算終推高關聳遙藩荒破犬羊天

鄭琰挽鄭都護

琰字翰卿閩縣人布衣任俠
詞館諸公爭延致之高文典

毋多出其手每閉關不聽出翰卿笑曰吾具
有鬚眉安能作三日新婦悒悒悶死遂逃之

金陵依新安富人吳生醉輒唾罵呼為錢虜
吳氏兄弟構訟疑翰卿泄其陰事文致入京

北獄
死

中興功業更誰論萬里摧殘百戰身龍虎舊衣分爰
卒麒麟新冢哭佳人金羈盡蝕燕支血寶劍從吹鷓
鴒塵塞外長星沉碧海五原西望泪沾巾

附錄徐興公榕陰詩話一則

鄭翰卿工七言少遊邊疆集中多悲壯語如馬邑
吹笳烽子急雁門獵火健兒歸霜色欲將關樹折
河聲如帶戍樓奔馬行空磧聞嘶斷人度殘冰過
語喧沙磧到天歸馬小朔雲連海遠鴻低磧上陰
雲連塞黑關前落日帶沙黃亂山獨馬嘶殘月遠
磧離鴻叫曙霜胡騎分營來漢冢蕃河分水到秦
川等句令人讀之有封狼居胥之志若陳幼孺之
鷗飛塞日翻胡影馬飲流泉咽漢聲馬季聲之馬
勒桃花銜苜蓿笳吹蘆葉響榆林謝在杭之風吹
紫塞草欲盡馬蹴黃河冰未殘亦不減鄭生高韻

于謙塞上即景

謙字廷益錢塘人官兵部尚書土木之難英宗北狩邸王

即位公以社稷為重君為輕力主戰也先不能相侷喝始歸上皇天順復辟徐有貞石亨

等誣公迎立襄王論死天下冤之孝宗初乃追諡忠肅

日極烟沙草帶霜天寒氣暮景蒼茫
炕頭熾炭燒黃
此馬上彎弓射白狼上將親平西突厥
前軍近斬左
賢王邊塵無事烽塵靜坐聽鳴笳
送夕陽

王恭咏胡兔吹笛

見前

雲淨陰山片月孤
數聲羌笛起
單于不堪吹
作梅花
調多少
中原客在胡

施敬塞上曲

字孟莊錢塘人

八月秋高塞草斑將軍千騎獵前山彎弓不射南飛
雁恐有征人附信還

吳亮李陵臺 詩見府志

飛將猶傳國士風出師未捷敢論功得當欲報漢天
子千載知心太史公

蘇武祠 前人

辛苦中郎已白頭節旄零落志方酬可憐麟閣圖名
姓不及椒房博陸侯

王越邊行即事 越字世昌濬縣人景泰中進士廷試日旋風掣其卷去逾

年高麗貢使攜以上進天順中巡撫大同有功封威甯伯卒贈太傅諡襄敏

二月山城雪尚飛
年年草色見春遲
不知上國問桃
李
開到東風第幾枝

徐禎卿咏昭君

禎卿字昌穀常熟人天性穎異家不蓄一書而無所不通

宏治中舉進士三十三歲卒與唐祝文為吳中四才子

辛苦風沙萬里鞍
春紅微淡黛痕殘
單于猶解憐嬌
色親拂胡塵帶笑看

薛蕙塞下曲

蕙字君采亳州人正德中進士以議禮下獄尋得贖官給事中

陰山縛盡犬羊羣
萬里胡天散陣雲
塞外降王三十
部來朝盡隸霍將軍

長城西北萬重山
無數征人若箇還
明妃死後留青

冢定遠生前隔玉關

顧璘塞下曲

璘字華玉吳縣人隸匠籍徙居金陵宏治丙辰進士歷官至刑

部尚書著有息園浮湘德几歸田等集

千里驂騑丈八子男兒畫地取封侯
黃昏塞上傳烽火一夜吹笳坐戍樓

百戰摧胡未許強馬前生縛左賢王
麟符鵲印須臾事祇博凌烟字一行

黃河冰厚馬橫行朔氣棱棱古鐵明
恨殺夜來風雪緊匈奴逃出受降城

汪循明妃曲

循字進之休甯人宏治丙辰進士官順天府通判

將軍仗鉞妾和番一樣承恩出漢關死戰生留俱為國敢將薄命怒紅顏

羅洪先昭君祠

洪先字達夫吉水人嘉靖己丑進士廷試第一官太常少

卿卒諡文恭嘗以疏請預定東宮忤旨罷官杜門講學攻苦淡鍊寒暑以經世為己任五十後絕意仕進默坐半榻不出戶者三年事能前知人問之曰偶然耳無疾而歿人以為仙去或於燕齊海上見之

長秋纔引到簾前名姓誰知外國傳記得君王回盼處肯令相識不相憐

鵝鴨泉上鬪髀殘滿地黃雲拂草寒遇得花枝不忍棄棄時容易過時難

馬前雙臂海東青
擒得哀鴻不忍聽
我欲南歸無羽翼
問渠何事度龍廷

黃金縱買毛延壽
玉貌常如薄命何
多少佳人怨憔悴
算來不屬畫圖多

尹耕出塞曲

耕字子莘代州人嘉靖庚辰進士豪宕不羈性嗜酒喜談兵嘗

為州守廢免家居生長邊陲通知疆事恨武備廢弛邊臣玩愒作塞語十一篇中明邊防

虜勢之要害以告當事者作為歌詩沈雄歷落有河朔俠烈之風分宜當國起兵部郎出

知河間府擢河南按察司僉事為張萬紀所劾遣戍遼左遂屏棄不復用有秋興八首其

三四首云薊門千里接雲中虜騎清宵警報同合陣幾窺青海月鳴鞭爭下黑山風殘冬

戰士衣仍薄荒歲孤城廩欲空南國十年輸輓盡防秋諸將漫論功十萬鳴弦報吉囊野

心狠子是花當連姻故自輕中國分道頻看
入漢疆雅穀丈人空肉食操戈遺孽尚蕭牆
不應干羽修文日歲歲三關有戰場俱感憤
邊事而言人謂少陵秋興而後此其嗣響

鷓鴣淬劍鵠調弓獵罷陰山落日紅鐵騎不嘶沙磧

草牙旗飛掣桔槔風

謝榛塞上曲

榛字茂秦臨清人即枚詩卷游
長安救盧子木者一時高其韻

爭與交驩秦晉諸藩皆延致之與李于鱗交
不終削其名于七子五子之列而謝先生已
名滿天下右于鱗者雖惡之不能窮其所往
也眇一目年八十餘方賦詩遽投筆而逝

旌旗蕩野塞雲開金鼓連天朔雁回落日半山追黯

虜彎弓直過李陵臺

飛將龍沙追虜還夜驅駝馬入燕關城頭殘月誰橫

笛吹落梅花雪滿山

胡笳曲 前人

沙磧茫茫黑水流胡兒六月換羊裘駱駝背上吹蘆
管風散龍荒作冷秋

漠北詞 前人

委羽山橫塞北天學飛離雁夕陽邊匈奴歲歲無爭
戰白馬黃駝傍草眠

石頭敲火爇黃羊胡女低歌勸酪漿醉殺羣胡不知
夜鷄兔嶺下月如霜

曉聞鐘帳擁秋雲虜將揮鞭部落分牧馬陰山莫雨

向雁門今有李將軍

張元凱明妃詠 見前

白雲堆裏塞雲昏黃鶴歌殘馬上論
自恨良家充內選也同公主嫁烏孫

于慎行題忠順夫人畫像

慎行字無垢東阿人隆慶戊辰進士

授翰林院編修萬歷初江陵起復具疏請止
桂林阻之不得上江陵卒有詔籍其家無垢
貽書邱司寇楫言江陵母老諸子覆巢遺卵
宜推明主惟蓋之恩全大臣簪履之誼舉朝
義之歷官禮部尚書卒
贈太子太保諡文定

燕支山色點平蕪染出春愁上畫圖
一曲胡笳明月夜邊聲又度小單于

邊城新舞柘枝詞
降得渾邪罷漢師
不道長安春色少
甘泉宮裏畫闕氏

天山獵罷雪漫漫
繡袂斜偎七寶鞍
半醉屠蘇雙頰冷
桃花一片帶春寒

蓮花寶鈿綠雲鬟
不脫襜褕歛漢關
枉殺白登城下畫
虜中原自有紅顏

馮琦題三娘子畫象

琦字用韞臨胸人萬歷丁丑進士入翰林年十

九由編修歷官至禮部尚書嘗有疏極論時政革具未上易箚前夕力疾刪寫奏上以倣古人尸諫之義遲明度疏入而後暝年四十有六論文獻

穉瑜春暖鎖芙蓉
爭羨胡姬拜漢封
繞膝錦襪珠勒

馬當曾寶祿繡盤龍

塞北佳人亦自饒
白題胡舞為誰嬌
青霜已盡邊城草
一片梨花冷不銷

紅粧一隊陰山下
亂點駝酥醉朔野
塞外爭傳娘子軍
邊頭不收烏孫馬

徐渭邊詞

渭字文長山陰人為胡少保宗憲幕客生平尚氣節不以阿曲取容嘗

自言書一詩二文三畫四後世當重之以貧死

千金赤兔匿宛城
一隻黃羊奉老營
自古着棋嫌盡殺
大家和局免輸贏
開馬市

立馬單盤俯大荒
提鞭一一問戎羌
健兒只曉黃台

吉大雪山中指帳房

漢軍爭看繡衲襦十萬彎弧一女郎喚起木蘭親與
較看他用箭是誰長

以下詠三娘子

長纓辨取鎖嬌嬈馬上纖腰繫不牢好把鴛鴦靴上
腦倩誰雙把馬鞍橋

女郎那復取梟英此是胡王女外甥帳底琵琶推第
一更誰紅頰倚蓋篷

老胡寵向一人多窄袖銀貂茜巨羅遞與遼東黃鶴
子側將雲鬢打天鵝

姑姑花帽細銀披兩靨腮梨灑練椎箇箇菱花不離

手大家立馬點胭脂

胡兒處處路旁逢別有姿顏似慕容乞得杏仁諸妹

食射穿楊葉一翎風

胡人最嗜糖纏杏仁

駱駝見柳等閒枯虜見南醪命拚殂倒與鷓夷留一

滴回韉猶見卯兒沽

原注諺云駱駝見柳達子見酒又胡語叩頭為卯兒沽

崔鏞塞上曲

詩見府志

鼓角聲喧塞日孤黃沙白草走單于大荒自方無分地指點而今入版圖

霍鑣青冢吊明妃

鑣馬邑人詩見府志

琵琶彈出漢宮秋青冢千年姓字留多少紅顏承主

幸名隨身世盡東流

蛾眉出塞萬家春不數將軍作虎臣
但使此身能報國何妨恩寵屬他人

古豐識畧卷三十四

長白鍾秀石帆

初稿

崞縣張曾小袁

人部

藝文下

劉統勳歸化道中晚行

國朝○文正公山東諸城人見宦績門

蹇驢破帽獨衝風路指陰山落日紅
行客不須悲塞北版圖先已屬遼東

聖恩雨露蘇邊草使節星霜滯轉蓬
幾度拂雲堆上望紛紛得失悟雞蟲

無名氏費大將軍祠題壁

詩見
府志

遺像今何似當年駐馬時一方民父母千載世神祇
勒石全軍勝屯田治策奇乾坤同不朽留與後人思

袁枚明妃曲

見前藝
文上

明駝一羣角數聲漢家宮女昭君行六宮送別泪如
雨怨入民間小兒女昭君上馬鞍手取琵琶彈生來
絕色原難畫影落黃河自愛看詔書殷勤選容質傳
到龍庭轉幽咽侍女濃熏甲帳香傾城遠掃天山雪
橫波滿臉向名王手拂穹廬作洞房生長內家風味
慣酒酣時作漢宮妝從今錫舅息干戈塞上呼韓日

請和寄言侍寢昭陽者同報君恩若箇多

紀昀塞上雜詠四十首

原詩百六十首為鳥魯木齊而作本與此

地無涉迺西北所豎風氣暑同爰摘錄四分之一以代竹枝後有作者正未能出其窠臼

想文達公有知或亦不容情爾昀字曉嵐河間獻縣人乾隆甲戌進士官至禮部尚書

高宗純

協辦大學士卒諡文達文章學問為皇帝所知命總纂四庫全書作簡明提要二

百卷精賧詳備孫樹馨編其遺集付梓共詩文三十六卷

山園芳草塞烟平迢遞新城接舊城行到叢祠歌舞

榭綠穠綸上看棋枰

原注城舊下東山之麓後移以就水泉登城北關帝廟劇樓城

市皆俯視歷歷此間呼歸化為舊城綏遠為新城每遇春夏間營房及公主府演劇時兩城外園畦羅

列濃綠如畫

塵市鱗鱗雨面分門前官樹綠如雲夜深燈火人歸

後幾處琵琶月下聞

原注富商大賁聚居舊城南北夜市既罷吹竹彈絲云息勞苦

萬家烟火暖雲蒸銷盡天山太古冰臘雪清晨題牘

背紅絲硯水不曾凝

原注向來氣候極寒數載以來漸同內地人氣盛也

流雲潭沱水廉纖長夏高齋坐捲簾放眼青山三十

里已經雪壓萬峯尖

原注城中夏日頗炎燠山中則氣候常寒每城中雨過遙見層

巒疊嶂積雪皓然。此間距大青山里數畧同

百道飛流似建瓴陂陀不得浪花鳴遊人來到蕭關

外誰信山泉解倒行

原注謂水流迅急越坂數重。此間自殺虎口外水多北行俗

亦謂之倒行

南北分疆畫界勺雲根兩面翠嶙峋中間岩壑無人

跡合付山靈作守臣

原注山北屬烏魯木齊山南屬回部。此間大青山為中外界

城南風穴近山坳一片濤聲萬木梢相約春來牢蓋

屋夜深時捲數重茅

原注間城外林木聲如波濤不半日即風至矣動輒發屋春月

尤甚。此間立春後必多大風

金碧觚稜映翠嵐崔嵬

紫殿望東南時時一曲昇平樂膜拜聞呼

萬歲三

原注朝賀張樂

萬壽宮在城東南隅遇聖節

班亦如內地其軍民商賈往往

在宮前演劇謝此間綏遠城東街

是邊祗芹曝之忱例所不禁。萬壽宮亦然。

戶籍題名數種分雖然同住不同羣就中多賴鄉三

老雀鼠時時與解紛原注戶頭鄉約事權頗重官衙

有四鄉者十二總領統之事權畧同

雕鏤窗櫺綵畫椽覆檐却道士泥堅春冰片片陶家

瓦不是劉青碧玉甃原注惟神祠以瓦為之餘皆覆

礫易於碎裂。此間亦少瓦房不解何故

婚嫁無憑但論資雄蜂雌蝶兩參差春風多少蘆郎

怨阿母錢多總不知原注娶婦論財多以逾社之男

外每多此風此間尤甚

穉極翻翻數寸零桔槔到手不曾停論園彷彿如朱

荔三月蒲家已買青原注二三月間田禾方長商家以錢給農戶俟熟收糧謂之買

青○此間村莊
藉以漁利者多

到處歌樓到處花塞垣此地擅繁華軍郵歲歲飛官

牒只為遊人不憶家

原注商民流寓往往不歸詢之則曰此地紅花紅花者土語繁

華也○此間亦有此語

萬里攜家出塞行男婚女嫁總邊城多年無復還鄉

夢官府猶題舊里名

此間學校未立居民無籍可入有數世未還家者遇有官事仍

曰某處人

界畫棋枰綠幾層一年一度換新塍風流都似林和

靖擔糞從來謝不能

原注塞外之田更番換種以息地力從無糞田之說○此間牛

為糞頗貴俱以代薪炭用無入地者

麗譙未用夜誰何寒犬霜牙利似磨只怪更深齋吠

影不容好夢到南柯原注人喜畜犬家冢有之至暮多升屋而蹲滿城響答信信然

徹夜不休頗聒人睡○此間營路生意皆恃犬以防賊冬月回城犬聲尤重故俗語有狗鎮城之說

酒果新年對客陳鵝黃寒具薦燒春近來漸解中原

味浮瓊罕丸一色勻原注新年客至必陳餽餌四器佐以燒酒近亦以糯米作元夕

粉團其他糕餅亦畧同京師之製○此間點心近仿京式

半帶深青半帶黃園蔬已老始登牀可憐除却官厨

宴誰識春盤嫩甲香原注鬻菜者謂之菜牀瓜菜必極老之後乃采以鬻否則人嫌

其嫩而不食○此間亦無嘗鮮之說瓜菜鮮時園丁不肯摘鬻縱多與之錢亦不願也

花信蘭珊欲禁烟晴雲駘宕暮春天兒童新解中州

戲也趁東風放紙鳶

原注塞外舊無風鳶之戲近有兵士能作之遂習以為俗○此

間風箏之戲亦不數年

燒殘絳蠟鬪梟盧畫出龍眠賢已圖老去杜陵猶博

塞陶公莫怪牧豬奴

原注土俗嗜博此戶皆然○此間婦女尤甚

五月花蚊利似錐村村擬築露筋祠城中相去無三

里夜捲珠簾不下帷

原注田中蚊蟲最毒城內則無○此間近城亦少蚊

息雞草長綠離離織薦裁簾事事宜腰衰經過渾不

顧可憐班固未全知

原注芟芟草生沙灘中一叢數百莖莖長數尺即漢書息雞草

也班固謂馬食一本即飽然馬殊不食○此間叢生極多土人每以之縛帚呼音近及雞二字

媿紫媽紅廿四畦香魂彷彿認虞兮劉郎儻是修花

譜芍藥叢中定誤題

原注虞美人花巨如芍藥五色皆備。此間多種罌粟田畦數

里錦綉奪目按虞美人亦罌粟之類

朱橘黃柑荐翠盤關山萬里到來難官曹春宴分珍

果誰怯輕冰怯齒寒

原注柑橘皆有惟價過昂耳

旋繞黃芽葉葉齊登盤春菜脆玻璃北人只自誇安

肅不見三臺綠滿畦

原注黃芽菜不減安肅菜蔬亦甘脆如梨。此間白菜以薩拉

齊所產為最佳

千瓣玲瓏綠葉疎花頭無力倩人扶因循錯喚江西

蠟持較東籬恐未輸

原注江西蠟花徑二寸千瓣五色望之如菊。此間名七月菊

春鴻秋燕候無差寒暖分明紀歲華何處飛來何處

去難尋踪跡問天涯

原注燕鴻來去之候與中土同

徹耳金鈴箇箇圓簷牙屋角影翩翩春雲淡宕春風

輒正是城中放鴿天

原注土與鴿宜最易蕃衍風和日暖空中千百為群鈴聲浪浪

頗洎岑寂○此間不能如是之多然鈴聲亦堪悅耳錄詩至此鈴聲又漾空而過矣

菽乳芳腴細細研截肪切玉滿街前只憐常逐春歸

去不到榴紅蓼紫天

原注豆腐頗佳冬春以為常餐夏秋則無醬者○此間近來有

南豆腐惜夏秋間亦不易得也

槐榆處處綠參天行盡青山未到邊只有垂楊太嬌

穉纖腰長似小嬋娟

原注柳最難長罕見高丈餘者○此間尚不至是惟暑前新栽

柳亦數年尚未長成

古豐藏畧

人部

卷三十四

藝文下

六

剪剪西風院落深夜涼是處有蛩音邊城不解金籠

戲一任籬根徹曉吟

原注地多促織無促聞之戲

新榨胡麻澁豔光可憐北客不能嘗初時錯認天台

女曾對桃花飯阮郎

原注胡麻即脂麻東坡集言之甚晰西人以大麻為胡麻其油

氣味甚惡非土人不能食也。此間麻油亦不可食

臘雪深深坼地寒經冬宿麥換苗難農家都是春初

種一樣黃雲被隴看

原注雪深地凍宿麥至春多不生所種皆春麥也

八寸葵花色似金短垣老屋幾叢深此間頗去長安

遠珍重時看向日心

原注葵心向日與內地同

地近山南估客多偷來番曲演鴛哥誰將紅豆傳新

曲記取摩訶兜勒歌

原注土音番呼歌妓為鴛哥春社扮番女唱番曲亦靡靡可聽

取○鴛哥字未詳所出此間謂之秧歌或

玉笛銀箏夜不休城南城北酒家樓春明門外梨園

部風景依稀憶舊遊

原注酒樓數處日日演劇數錢買坐畧似京師

桃花馬上舞驚鷺趙女身輕萬目看不惜黃金拋作

埽風流且喜見邯鄲

原注塞外豐盈游民鬻技者麇至畿南馬解婦女亦聞風而來

○此間近始有至者

樊橋月滿四絃高小部交彈鳳尾槽白草黃沙行萬

里紅顏未損鄭櫻桃

此間菊部諸人亦多自都中來

赤繩隨意往來牽頃刻能開並蒂蓮管領春風無限

事莫嫌多費買花錢

此間五方雜處娶婦極易

白草颼颼接冷雲關山疆界是誰分幽魂來往隨官

牒原鬼昌黎竟未聞

原注己丑冬城西林中時聞鬼嘯或為民崇父老云客死之魂

不得官牒不能過關焚牒給之是夜寂然○此間城隍祠亦給客死者路票每票索錢數百內有仰沿途

關隘驗放云甚屬可笑商民多敬信之

吳頡鴻送哲者奔

成額

之經遠司馬任

見流寓門

遶征正是歲闌時仙吏行裝最便宜收拾江山歸宦
橐半肩書畫一囊詩

邊塵黯黯塞雲飛草短山遙雪四圍此去定從青冢
過一樽為我酌明妃

策馬樓煩望曉暝五辛盤列酒盈尊遙知行馬歡迎

處帶得春風度雁門

計元旦
可抵任

數聲風笛送花轅千里相思月一彎料得歸來持贈

我儂家雲樹米家山

時以素絹索
省奔畫山水

自殺虎口至和林格爾

前人

車軸響磴磴程無十步平風聲都少韻山色總無情

路迫荒阮隔梁危獨木撐迷途欲問訊絕塞少人行

中秋月夜登清水河署樓望諸山積雪

前人

屏山八月朔風烈吹出千山萬山雪我來踏月縱雙

眸九塞分明銀一色是時玉宇浮雲空沙磧淨掃無

塵容琉璃世界現本色冰輪正掛天當中前宵滕六
拜威怒如掌雪花飛萬樹牛心山沒七墩平平盡人
間不平處北望石碓南雁門二十六口飛烟屯忽逢
兔魄明秋霽一白不覺天黃昏風來尚捲梨花朵百
尺樓高宜看我劇憶閨中兒女歡正拜姮娥設瓜果
詎知絕塞民生難稻粱半熟逢嚴寒場圃築成蓋藏
少坐對佳節空愁歎我昔看月金山頂萬道金蛇盪
波影又曾看月嶺山巔九點遠失齊州烟今朝于役
來塞北頓使書生眼界濶黛海青山一覽收置身如
在玻瓈國水調歌翻白雪篇不知今夕是何年願將

塞外清寒景補入幽圖達九天

張棣明妃曲

棣字夢樓崞縣人道光丙申進士官直隸吳橋靜海知縣少以

睿皇帝

西巡召試賜綺一端為縣令十七年多惠政

著有覽齋存草

雪滿天山草不春琵琶幽咽怨和親
縱然不為丹青誤也是長門失意人

塞下曲 前人

陰山飛雪冷征袍古戍寒霜澁佩刀
颯颯西風連夜急受降城外月輪高

彥德青冢詩

彥德字亦庵滿洲正黃旗人嘉慶癸卯舉人襲世職歷官至漢

軍都統定邊
左副將軍

閨閣堪垂世明妃冠漢宮一身歸朔漠數代靖兵戎
若以功名論幾於衛霍同人皆悲遠嫁我獨羨遭逢
縱使承恩寵焉能保始終至今青冢在絕勝賦秋風

此詩現勒石墓側旁有兩碑一為將軍昇寅作七古
一為故相者英作五古昇作主不從胡俗飲藥而死
立論雅以蘇武娶胡婦比之文姬失節法雖尊題其
說不無太過者作粗率尤不足存僅錄昇作於後

昇寅青冢七古

寅滿洲人前任綏遠城將軍
歷官至都察院左都御史

乾坤毓秀無遐邇丰出簪纓丰牀第才貌豈足定閨
賢總觀大節知臧否呼韓入覲詔六宮願嫁烏孫挺
身起一枝穠豔別椒闈三千粉黛皆委靡畫師伏罪

天子嗔昭君遠志單于喜御溝紅葉水融融團扇秋
風處處同回憶鬢花衆姊妹可憐白首甘泉宮琵琶
醉酪日歌舞寵擅閼氏塞北空外無胡馬飲江水內
無野雞興女戎甬爲雞口不牛後誰識女子真英雄
大青山下黑河汜旁有孤墳如壁壘空餘牧豎任樵
蘇自昔流傳青冢是當年夫歿請還朝詔令從俗亂
人理守志妃賢從一終君王忍不諒人只視彼文姬
返漢關失節屢嫁中朝士典屬老人吞雪忠牧羊又
娶胡兒婢名臣才女縱千秋貞操應令昭君鄙聞道
黃河西岸邊亦有明妃舊芳址噫吁嘻一坏黃土易

銷沈青冢傳疑勝青史

嬰隨父與孫對木去地年終自耕種

在與備大甲德威中陳出與漢去

以數年忠無物然一與書王少

此中春和野香深多帶甲天

大吉通守

大書通守

錦湖血寒

舉意微細

天走與

